

愚囊彙編

四明張氏釣園開雕

序

證山周斯盛撰

自古詩人之窮未有如孟郊者也觀其移居詩借車載
家具家具少於車可見然唐世重得第以杜甫之才獻
賦天子召試學士院竟不能得蓋其難也郊年幾五十
一舉得之又所厚有鄭餘慶韓愈樊宗師張籍之徒及
其叔父簡各以勢位文章名重當世提挈標榜足記死
生惟溧陽令厭其耽詩廢職分半俸與假尉然猶可以
養母而終無一人惡之者是窮之中猶有足幸者焉猶

愚齋集序

一四明叢書

約園刊本

以年僅六十有四卒又無子爲不幸之至者然其詩之
招擢胃腎劇鉅心目八九百年閒莫之能逮窮於身而
不窮於後又不可謂非大幸也今吾友宗誼正庵蓋詩
人而窮者也其爲人沖然悶然不爲刻意亢俗之行亦
不能治家人生產自少壯時輒棄去舉子業不事唯日
坐所爲南樓者剗心於詩所與游又皆貧悴失職之侶
無錢財以振其飢凍無勢位以資其聲譽久之詩日積
家日落而南樓亦頽然將圯矣出爲村夫子教授生徒
且有怒而詬讓之者殆較孟郊之窮有甚焉矣意者

正庵行年七十而猶強健有子有孫爲遠勝于郊也耶
然則古今人之窮其不同有如是邪夫郊之詩固足以
行後然亦必有賢士大夫爲之先後而名益彰今觀正
庵詩冲澹幽峭不爲蹈襲其力宜不至湮沒無傳而交
游無故相興元尹諸公宗人亦無有如觀察使者無所
藉於今而有所藉於後此正庵之所以爲窮雖然賈島
之窮與郊不異島之詩當時有嗜之者至鑄像事之呼
之爲佛而郊獨無有唯徐渭擬之爲河豚江瑤柱又惡
知數百年後不有嗜正庵詩如渭者乎正庵其聽之毋

愚齋稿序

二四明叢書
初園刊本

戚也正庵與余交始自壬寅其前所與遊者零落略盡
唯董劍鐔曉山無恙亦窮而工詩者因正庵似曉山以
爲何如與乙巳冬余嘗選其南樓詩已酉春又選其湖
上草皆爲之序且手錄而歸之丁卯夏復盡彙其稿屬
余芟輯而余亦衰拙不復能手鈔矣明年始爲之序蓋
戊辰七月二十一日也

序

太史公曰古者富貴而名磨滅不可勝記唯俶儻非常之人稱焉正庵先生其非常人與何見之卓也當明之亡貴戚藉藉雖有季氏之富曾不獲一日留其在下也平居里巷相慕悅財堪耦國詡詡自號文人利害及身置君父於不顧遑論友朋眾怒既張求生無路乃分其餘瀝曰助餉正人君子偶爲所惑而謗叢焉是可痛也自東江事起正餉義餉爭敗靡已正庵先生獨慨然發其家得十萬金逕送錢督師營而家以是落江師航海猶貨其田園奴婢之未盡者以應之室如懸磬結社湖上宴如也時則有若陸披雲宇燦董曉山劍鏢葉天益謙陸雪樵稷范香谷兆芝余生生齋與先生號爲湖上七子慷慨悲歌以抒鬱結曉山稱其詩如異峯幽澗嗟哦淡冽不類人間蓋雖偃蹇而不欲與世接者也壽鏞喜讀先生詩尤喜其短歌一章其歌曰黃金匣已充白髮頭旋塞胡不揮多金買髮令長黑千古無其人蓄金毋乃惑金既無補衰漫爲後裔德子孫莫論愚卽賢亦受賊何若散親故小小稱達識嗚呼小小稱達識者天

下有幾人哉然則傳先生之詩傳先生之達識也富貴
而名磨滅者多矣豈惟磨滅其汗穢史策者奚可勝道
聞先生之風亦可以少媿矣民國二十二年十月後學
張壽鏞序

顧壽鏞序

二四明叢書
約園刊本

宗徵君墓幢銘

全祖望

改玉之際吾鄉諸遺老社會極盛而湖上之七子苦節爲最七子之中以詩言正庵先生爲最正庵先生姓宗氏諱誼字在公原籍南直隸徽州府歙縣遷鄞曾祖某祖某父某微俗以懋遷有無爲業起家至陶猗者不可指屈先生之父亦以此豪於貲而先生之性所好獨在詩繞牀阿堵絕口不道若饜儒然江東事起議以正兵食正餉義兵食義餉正兵者方王諸營是也義兵者孫熊錢沈諸營是也正餉之出自田賦者既盡隸方王而浙東數十州縣各有義兵但食其地勸輸之餉勢旣不給尙時時爲正兵所掠奪於是遂乏食郵之義餉以故太僕富推之爲主其人已迎降江上爲諸公脅之以從則日輦兼金賂貴戚得入閣反乾沒里中所輸而出內於軍中甚吝先生慨然發其家得十萬金徑送錢督師營督師疏請獎之且言其才宜在館閣監國召詣都堂先生曰是將以下式出身也辭不赴江師航海資糧屢屢不能不仍仰之內地先生家已落猶貨其田園奴婢之未盡者以應之蓋至是屏當一空遂無擔石之儲而

先生怡然湖上之結社也陸披雲董曉山葉天益陸雪樵皆鄞產范香谷則定產而蜀人余生生以寓公亦預焉七子以扁舟共遊湖上或孺子泣或放歌相和或瞠目視岸上人多怪之先生之詩如怪峯奇瀾嗟峨淡列不自人閒所著有南軒南樓二集湖上集蘿巖集西村集療飢集晚年合爲愚囊彙刪定得六卷然此皆其外集頗和平至內集則無見者先生性狷急嘗在先贈公座中擁爐圍火適有客至其人頗遊時貴之門將以淡巴菰引火先生拂然遽曰汗吾火矣晚年所居僅破屋

愚囊彙稿 宗敬君墓幢銘

二 四明叢書

約園刊本

時至絕粒哦詩不衰先生生於某年月日卒於某年月日夫人某氏葬某鄉某原其愚囊彙今藏董生秉純蓋周卽墨證山所手書其銘曰
於國有益於家奚惜其命雖窮其詩則工荒江夕照靈禽所弔讀我銘文如見其人

愚齋集稿目錄

卷一

五言古

詠史二首

古風二首

鉏菜

田園雜興

登招寶山題石壁

雪竇妙高臺看月

午餐

祀圃神

雪菜

秋興三首

至五港

缺

送曉山客遊

愚齋集稿目錄

四明叢書
約園刊本

短歌

食韭餅作

無紙

偶書屋壁

喜余生生至

新月

感興

治圃

漁父詞

湖上田家二首

灌秋蘭有感而作

尋白沙泉過湖中

曉山粵歸示詩及文志喜

西溪看梅寄周證山三十生日

贈賣菊翁

贈湖客

雨夜述懷示友人

吳山看雪

北山

題賣菊翁草堂

贈香餅園沈老人

感興

蠶婦吟二首

宿蘿巖西庵

入仙姑洞

蘭開

尋蘿巖西庵老衲不遇

九日村行

鄰雞歌

觀兒輩治圃

效古五首

哭老姊

題書案稿

目錄

二四明叢書

約園刊本

齋徑二梅有友朋晤對致作數語賞歎

餌鳥

齋南頗豁時見南山

過阿育王嶺

言懷二首

某氏小園

九日塾前暴背

航中

採菊十二韻

湖干觀魚

楊露庵草堂看菊

趙友遺余菊一盆賦詩以謝

餓中得句未能自裁就正曉山三十韻

坐雨

七言古

後鷓鴣捕魚歌

賣畫歌

西郊吟

爲楊振公題所藏張東村洞庭圖

食烏桕菜作

宿寶嚴山寺

秋日南樓感舊

宿故人子張紹中家

打鴨歌

思飲酒作

寄贈瑞巖李叟

買湖魚不得

夜坐吟

喜二周子至西泠

澠齋稿 目錄

三四明叢書
紛園刊本

寄湖上潘子霖

雲棲題石峯生家

鑑湖久不屬目有懷往事書寄曉山

看湖雲作思撻雲歌 憶昔行

寄殷靖值齋前落花 吳山夜歸

登南屏憶與子霖遊眺處

湖北小園看梅 西溪看梅

寄西溪主人尋臘底看梅約

同周證山湖上作

山閣眺西湖見子霖幽居處

湖上訪潘子霖不遇 內人五十生朝

東郊望南山 赴蘿巖山足土人飲

九日歌寄賣菊翁 索友人園竹作杖

食蓀粥作 題贈漁人

早起吟

齋西古松一樹人呼爲大夫予代之解屈

北江看捕蟹歌

別南樓吟

齋北漁者惠巨沙魚一頭詩以言謝

靈藥稿目錄

四四明叢書
約園刊本

過倪老人幽居有贈 寄賣菊翁生日

答白雲眉山和尚 嬾雞歌

卷二

五言律

山家 訪陳鴻賓先生

餉余生生春菜 舟發蕙江

南樓卽事二首 偶成二首

齋詠 拔萁

西村晤周證山於是別十年矣三首

過慧林寺小飲

送二周子出北關

西泠香餅園雜詠三首

證山客歸

懷歸

韜光二首

九日吳山

西溪訪友二首

夜聽雨

荒園

湖南綠隱庵題壁

至靈隱

吳山夜望

南屏有孫太初卜居詩步韻懷之

鳳皇山南爲宋故宮 懷余子生

風雲彙編 目錄

五四明叢書 約園刊本

西湖秋夕

示友人

遣興

獨行

又至五港觀社

南樓北望

題小影

江夜

之江浦訪僧

九日書懷

采菊治目四韻偶成

懷南樓

中秋夜膳

七言律

宿西郊五港

南樓雜詠

交溪晚步

雨中寄董曉山

老庵夜坐呈道巖大師

宿上雪

南樓早春二首

夏日齋中三首

感懷二首

南樓有懷曉山

題湖北潘子霖齋壁

飲雲居友人家

西溪卽事二首

訪賣菊翁不遇

齋詠

泛西湖有感

買甘菊

湖曉

自迴瀾橋至冷泉亭

融齋稿目錄

六四明叢書
約園刊本

賣菊翁七十

十月十日湖中

五十初度

證山北歸至西泠邀余夜話

贈陳孺子先輩

武林遇鄉人

客居西湖贈陳孺子

舟至湧金門回望湖中

初至賣菊翁家

有懷圃菜寄兒輩

去絮

贈待槎湖姚老人

別撻雲閣

過撻雲閣小飲

寄周證山卽墨

重至山門梅村

齋樓漫興

夢醒

梅村吟四首

壽周方人六十

秋日過光溪

漫興

病中兒輩以米魚羹供飲予哂其妄

陸披雲臥病經月時余亦搜小疾不晤踰數旬
檢笥中得證山手書因作二律寄之

南樓卽事

生朝

錄詩文已偶書於頁 到齋

初夏感興二首

愚齋稿 目錄

七四明叢書
約園刊本

偶題齋壁閒時吟之以自愉二首

季冬寒甚吟以避之 秋曉感懷

過宿州南某地主有贈

題罾湖友人幽居 寄周子方人蛟川

漫興

倪尹若索詩因題其齋壁

寄證山周子

南園卽事

寄二靈于上人草堂步韻

五言絕句

苦旱歌

喜雨歌

七姊妹花二首

粟飯

送友人帶豆

初夏

古意

湖上

牧童謠

溪行 缺

墓上花

寄內

齋北納涼

和友人聞雁

眾樂亭懷賀祕書

嘲桑

代醉客答嘲

原齋彙稿目錄

八四明叢書

約園刊本

七言絕句

過白峯

友人餞曉山席上口占

寄曉山程鄉二首

留張紹中宿

自笑

喻子規二首

寄鑑湖友人

秋齋

寄畧湖友人

園中語友人二首

陸氏山園

寄周證山都中

題畫

謝農家惠芋

買稻草護茉莉二首

雪中次女請余圍爐

對竹成詠因教塾童吟之以自諷

葡萄

苦雨

寄賣菊翁

村社竹枝詞二首

對梅懷西湖

寄周證山

農家秋歌

寄韓桴叟上虞

過半塘有感

五言排律

坐夜偶述

歲晚南樓卽事

季秋田家雜興

感靈稿目錄

九四明叢書

約園刊本

七言古

秋夜讀諸子詩

卷三

補遺

五言律

覓友人遺文

再送董曉山之嶺南

南樓卽事二首

齋詠

曉

家居

俞次寅山居小飲

寄董曉山嶺南

東園齋中

久客

西溪草堂

去冬所護九節蘭望後大開

西泠晤周子西村 園有白鳥時去來

題壁 寄潘子霖茗川

陸氏山園二首 齋閣晚眺

西郊觀社會 感懷

初冬 寄陸披雲

湖行懷生生 喜雨

曉起 老態

愚齋稿 目錄

十四明叢書 約園刊本

歸南樓 西齋二首

北村 寄董曉山三首

小飲橋北農家二首

七言律

陸華星讀書山中往訪題贈

南樓雜詠 感懷

新秋卽事二首 簡董曉山二首

老來

愚囊彙稿卷一

明鄭宗 誼正庵著

明鄭周斯盛謗山定

五言古

詠史二首

嘗聞山水閒真氣肅心魂又聞古人隱不苟開柴門古
人不可作山水徒然存淵魚忘美餌山鶴嘗遠飛置身
由來高非特爲知機懷哉魯仲連無慙稱布衣

嬾受佯狂名尊嚙消寂寞恥蹈虛無蹤任眞開後學胸

愚囊彙稿卷一

一四明叢書

約園刊本

懷似迂疏大義不約略復恐五男兒抱情縈世爵紙筆
不令親耕鋤以爲樂

古風二首

日月照糞土已過光不濡江海漂腐齒曾弗憎其汙胡
爲一鼠尾沾孟卽驚呼人見非有別所受大小殊

風雨止空庭向午斂膝坐遠懷天地閒獨行亦誰和溼
煙擁簷端旣久還自破悵然古人思我躬昧勤惰

鋤菜

平明荷鋤出菜碧露氣眞乘此秋未寒蘇土俾根伸細

草亦天命驅除傷吾仁理有去其害不得懷逡巡吾術
恐或疏和聲問圃鄰

田園雜興

東溪曳杖立天靜山起雲花草相爲香郊野餘大文春
深地氣足薄田亦堪耘念此爲歲功豈敢惜辛勤屈指
計時日寸心聊自欣夕陽獨鳥歸我亦向人羣

登招寶山題石壁

以上南軒草

女媧補天餘擲此東海道伸舒若神龍雄踞主羣島俯
看勢蒼茫悲來傷懷抱極目夕陽外遠山白如縞顧此
耿耿心海風吹人老

雪竇妙高臺看月

遠山得情性近山深次序溪長聲不聞獨泛月光去久
晴夜少雲偶顧雲一處

午餐

秋風非苦我時至天應涼擁褐待午食烹豆彌覺香少
分稚子啼益彼我輟嘗人生念子孫我計獨荒唐賢否
雖難辨中情焉能忘咄咄登南樓坐此舊竹牀展書一
爲讀圯上見子房迂儒無他慕所願辟穀方

祀圃神

草木資春榮秋菜香獨創九月露滋深扶蘇各盈量小
多從何來恣意作己飽貪同蠶食桑旦夕軀逾壯嗟哉
蠶鹽家奚堪此類妨吾聞地有祇栽時云保障市豚稍
掩豆三爵清浮釀告爾爲驅除否者當致讓余懷止在
是弗疑有奢望

雪菜

可圃物殊眾累百纔十知余愚慵索隱姑從口腹私鄴
俗產雪菜託根始何時有味勿以甘有香令人思吳會

愚齋彙稿卷一

三四明叢書

物園刊本

稱蔬藪此種獨不宜鍾靈在一邑益信地力奇吾園四
五畦半秋輒深蒔重彼孤介性毋敢怠忽治相對如高
士色喜無浮詞生平言知己舍我當屬誰氣候比來足
爲藪當及時叮寧命兒曹珍重毋自欺

秋興三首

置罍盛簷滴十點不得五古言無差泄語亦似疏魯輸
心以奉君未幾於我怒猛欲前致詞竊恐重見迂人生
遇台難天地不能主白石鮮柔骨黃華少媚斌相對意
可通自足吾肺腑

人生貴行樂頗嘗得聞之秋高山水正旦夕深幽思扶
杖將出遊清晨翻苦飢行樂殊未易何言須及時有貌
漫爲戚有懷勿致疑鵲來屋角鳴聞者色俱怡貧家獨
自量不受微物欺

菜羹霜後滑早杭飯頗鮮且夕得無缺可以云苟全既
飽登南樓日暖收羣煙好友時一顧語笑示短篇作詩
能貧人于理恐未然貧者方形醜富者彌自賢戚否各
有尙余且任之天

送曉山客遊

愚齋集 卷一

四四明叢書

續編刊本

人生爲貧驅暮春別鄉土敝衣費浣紉濁醪向道祖出
郭驚子規登舟任柔櫓百憂欲何如一身私喜怒世塗
厭千謁君將向誰主遨遊山川中古今自可取

短歌

黃金匣已充白髮頭旋塞胡不揮多金買髮令長黑千古
無其人蓄金毋乃惑金旣無補衰漫爲後裔德子孫莫
論愚卽賢亦受賊何若散親故小小稱達識

食韭餅作

南園入夏來瓜豆已就理昨蒔牛乳茄莧亦及馬齒衰

年貪蔬蕘望新每屈指風吹韭芊芊私心有所企多翦
雙握盈細濯欲移暑煎餅守遺方聊自供甘旨家人稍
慰饑微飽色俱喜老夫轉有懷晚炊詢兒子吃吃不成
聲吁嗟餅費糜

無紙

一紙需一錢百錢買百紙余家百錢謀七口兩日喜紙
雖予急務似非薪米比逼迫長在斯悵惻徒念彼余貧
迨十年垂老事益否作詩欲何爲詩來不可已登記百
自圖殘爛翻其裏煤透弗良書衰手復披靡得意忽疾
書魯魚與亥豕自讀猶支離況以示諸子束置皮閣中
命兒握小匕古人言殺青於茲聊相擬

偶書屋壁

今日稱良田我未睹爲海當時數上客我已見傀儡區
區斯世閒何物終不改製衣堪蔽身謀粒令無餒雖非
上智儕可以告無罪

喜余生生至

舊交余子來身老仍貧賤老旣撻吾懷貪知節不變乍
見顏難歡寧禁淚若綫計別十年餘辛苦歷鄉縣猶蒙

天地寬山水獲實踐無物招君魂濁醪南窗薦減米易
魚蝦瓜豆併充饌二三不死友坐談忘日晏惟笑白髮
絲風吹輒裏面

新月

貧家猶夜飲可樂亦可歎兒輩性頗蠢於酒嘗承歡向
杯方徐飲仰見新月寒光難界半壁照徹鹽豉盤世人
好臧否天地受包彈庶幾此明蟾愚智少他謹萬古色
弗腐豈論缺與殘烏亦何所慕啞啞眞無端

感興

愚齋稿卷一

六四明叢書

約園刊本

桃李不自惜努力趁芳菲遠將千日心敷榮矜翠微庸
知代謝來風雨無是非解顏語桃李無用懷歔歔

治圃
以上南園草

貧者固信天豈不食其力余家有南園夙昔事栽植自
樂弗知疲何求他人識業雖小人哉亦時見德色事訖
深掩門草木閒相得濁醪盡數觴聊自酬旬旬

漁父詞

十五習漁業七十猶江中歷年試風濤危險無西東魚
多價嫌賤魚少家益窮昨日偶然醉短歌倚孤篷船去

海門近悵然感我胸當年怒潮至勢若移空同百里撼
富春天地生英風豈識十年來潮汐有替隆余老不解
此行行問胥公

湖上田家二首

孟夏郊野霽湖水高侵田農家貴力作出門每祝天乍
炎日欲午桑陰同息肩鳥噉向歌吹荇花逐遊船以此
一日費須我力終年心固不相羨感歎還自憐

方舟獨歸來皤然見鄰叟爲言湖中荷今歲發殊後所
望代秋糞未審相成否繫舟復攜鋤行行及隴畝耘耔

愚齋稿卷一

七四明叢書

約園刊本

幾何時芊芊稗與莠細念力未深無言草性醜

灌秋蘭有感而作

客衣驚曉露惆悵天早寒天寒自知時客衣不知單舊
衣何時綻新衣何時完悠悠空庭中淅淅風無端颼颼
向野鳥歷亂披羽翰鳥豈不自惜誰能解浩歎舉頭惜
野鳥低頭惜秋蘭

尋白沙泉過湖中作

晨興念所之神已在泉次徐步出郭門湖光分我意香
氣水上流寒雲峯中瀆湖上無變更屢遊輒若異泛舟

過空亭魚鳥兩不忌微物足天真俯視殊懷媿別舟上
棲霞積葉樵谿閉

曉山粵歸示詩及文志喜

山水有真性知之良獨難讀書二十年庶幾足曠觀我
友久自信挾冊走釣灘五月五千里一里一盤桓神靈
卽欲闕無如識力完十月到花洲梅花香正寒夢寐入
寥廓煙霞到盤餐今歲翩然歸念我學問單束卷寄我
意朗詠秋聲乾

西溪看梅寄周證山三十生日

歐陽文忠公稿卷一

八四明叢書
初國刊本

寶嚴梅欲發我已到西冷周子方生日我坐西溪亭梅
花大約同歲老覺更馨予昔遊此溪丰韻心已銘願子
如梅花氣骨靜自寧

贈賣菊翁

春花怡人情秋花深人想羨子具真心俾菊得所養生
久籬落閒野情綿綿長

贈湖客

兩峯未出雲天地自寥廓道傍何老人日暖息田作餉
午來幼孫三四涉溪壑舉榼方欲食願我知漂泊拂石

就亭陰歡然命對酌自言昔好遊十年走京洛求友非
不詳卒難置一諾棄劍歸湖干白首安耕鑿

雨夜述懷示友人

月影自開合雨聲時去來久客避鄉夢深坐徐舉杯拭
眼看鏗光燁燁漸吐煤對茲卜休咎其意良可哀豈不貴
安命感至仍疑猜富貴無則已果誰如遺哉一笑啓南
牖香領庭中梅

吳山看雪

老梅舍不吐須雪壯其姿朝來灑落急短屣不辨籬以

愚齋稿卷一

九四明叢書

約園刊本

我幽然想竟與天心期走探吳山南江水平不泚縱目
到千里恍若鴻蒙時山川苟無此造化誠等夷再前上
仙閣默默深吾思

北山

五里到北山晴雪猶壓竹老人不畏寒牽牛路傍牧農
家無正午腹飢飯已熟天風吹空村泉聲起幽谷

題賣菊翁草堂

家住梅花溪柴門向山起習性嬾釣魚但飲草堂裏鄰
人學種梅翁時爲之理方舟過前村蓑笠具行李明月

未肯歸幽夢轉溪水

贈香餅園沈老人

山水自千古老人詠閒居還丹不求訣種芍家有書門
前一畝池客至時釣魚飲少先自醉獨往乘青驢

感興 以上湖上草

屋烏愛主人鼓叻朝言事主人翻怒嗔挾彈中其翅禍
福俱有基固非有烏致烏第好直言遂爾受顛躓俯首
笑烏愚胡爲中人忌烏猶勉作辭見責誠深媿所嫌生
性癡力學不能僞

嚴靈公稿卷一

十四明叢書

約園刊本

蠶婦吟二首

養蠶本爲衣一絲不到服養蠶本織縑一匹不得鬻去
年祝今年今年眉更威明年試勿爲聽彼飮與粥

鶴報朝喜晴桑林猶漬雨蠶飢焉能待拂拭懷諸姆渠
儂自有蠶寧能代妾苦葉多未易乾嬌兒久啼乳兒飢
多啼聲蠶飢少絲吐

宿蘿巖西庵

新月平虛窗老僧洗鉢已涼風吹古松聲來自起止別
火醒佛燈胡跪側置履瞑目盡三時香霧凝爲水深山

無雞鳴天明羣鳥喜

入仙姑洞

十里行霧中幾作雨絲訝鼓勇呼客前聽鳥如勸駕一
溪凡九灣苔滑小橋架宿漲尙侵蹊踏石翻得鱗人語
響空山心喜近茅舍躑躅認老翁數言頗相藉念茲雲
磴危松杪日光射

蘭開

澆灌既次第蘭坼何遲遲老夫懷似躁愛花不知時春
風東南多好雨旦夕宜花開忽三四香飄令我知乃信
堅貞質勿聽人力移牡丹可冬榮人巧固云奇亦由富
貴性生平少操持

尋蘿巖西庵老衲不遇

固識山徑寒昨日衣裝絮到門不掩扉羣鼯盜果去砌草
生秋花寒香在雙屨積葉響行蹤歸樵息舊處相趁出
沈雲海白潮來遠

九日村行

曉雲高出山寒煙平鋪水魚躍煙已穿雁過雲仍疊具
茲魚鳥懷登泛還自揆囊空與不增川行徐納屨踰嶠

見居人雞黍餉鄰里農家草堂窄客晏互坐起卽此相
笑樂儉素亦可喜

鄰雞歌

以上蘿巖草

夜半霜欲深雞鳴人正宿主起喚僕夫膠角聲愈促征
人恐遲遲別婦出房帷婦念吉行日有淚不敢垂天明
尙幾許不使少容與人去不怨雞所怨太早啼

觀兒輩治圃

衰頽怯寒風扶杖來南園冬花猶努力池側相偏反兒
曹事鉏鑿及此小春暄疏泥見參錯指示費我言時蔬
貴審性非獨在深根理法苟不誤雨露易爲恩

效古五首

以上薜蘿草

南湖風雨霽寒光接我廬讀書慕先達於今定誰如尙
慙晏子御奚敢期穰苴離砌中花蚩蚩道傍樽美惡
自有故屈伸何言虛胡我懷可否思將白髮除家居得
歧路問津無長沮

古松百尺蒼昔爲寸許苗懷來自稚年迄老遂不凋羣
英慕春暖姿色漸以饒方期歷千載何止榮暮朝流風
漸成習賞心爲柔條搖曳睨蒼松毋乃徒嶮嶮當茲眾

芳會何自甘寂寥

有客好遠遊經年曳長裾侯門重翦拂投謁紛車輿生
交石季倫死友吳專諸非止變樗櫟顏好同芙蓉去春
渡江歸入秋來做廬昔來供旨酒今來稀盤菹我自慙
今昔客慎毋親疏

東山吐晴色我由西郭來古道昔曾經坦坦心無猜清
霜不殺草敝服牽蒿萊橋危心怯渡風健如相排冬半
農務足菜麥各取裁蒸蒸見煙火日暖門始開登堂呼
主人笑迎抱嬰孩先代重農家於今樂未衰

戲製真稿卷一

三四明叢書

約園刊本

學仙求長生吾性畏勤劬學佛喜頓悟吾心頗纒疏臨
風輒矯首適從彌躄踏出門詢威鳳翻值孤與俱悵惘
數十年亦可云顛愚拂衣昨來歸兀坐掀短鬚古士田
子方夙昔聖門儒以彼甘貧賤焉往非安居庶幾淑餘
生以笑易嗟吁

哭老姊

骨肉貴同胞惟女兄弟異相親不十年卽有從夫義歲
月爲往還終殊在幼稚悲哉吾有姊遠嫁已同棄何堪
夏至殂蓋棺不一視憶昔我五齡姊庚成十二知父母

我憐提攜旦夕備調粉爲我脂縮角加我髮候忽十六
時父母命之字姊嘸我亦嘸雖嘸亦兼戲見姊登輿去
我嘸始塌地數日不肯休時向他人詈姊聞徒黯傷欲
歸覺不易及壯往省視每若見珍瑞言歸輒潸然頻囑
書勤肄父母旋繼亡併牽兒女累睽隔遂歲時悵望恆
自諄我材原荒唐先業付敝簪詩酒誤空名調笑蒙佳
惠姊聞翻我悲見招開師位沽酒必親嘗烹肉必自裁
風雨慮予愁談讌集羣季手足聚暮年恍然童稚意女
兄世亦多我姊焉有貳所嗟甫兩春姊丈趨就隧屢運

靈寢稿卷一

十四四明叢書
繪園刊本

安吾常宛轉請謝事姊哭且椎牀予我脫簪珥歸來家
益貧炊煙屢欲闕思陟三縣途如振千里翅前冬姊七
十始勉裝幙被拜祝侍筵前猶見善醢漬私喜壽算遐
何遽與世避聞訃已仲秋心駭覆盤饌痛哭咎諸孫何
以緩命使使我同胞恩意作行路委姊卽能我原清夜
卒難置昔年父母心於我失所企若值九京靈母過爲
弟庇

齋徑二梅有友朋晤對致作數語賞歎

梅花何地無地以幽人勝當疑宋廣平作賦頗庭逕我

遊西村隈兩梅時前徑左幹若俯詢右枝巖蒸聽昨醉
宵夢清微倖與酬應香寒臥漸醒起視煙方凝旭升四
野空露沓苞坼孕領略似得心靜對勿敢佞捉藜將微
吟隔橋發清磬

餌鳥

簷端午欲晴鳥下窺簷側握粟偶然投雞來爭拍翼於
鳥未爲恩雞已喙失食人生處貧賤爲德亦推抑

齋南頗豁時見南山

塾堂罕隱蔽層巒峙西南黛色分濃淡焉識松與楠風

愚齋稿卷一

十五四明叢書山

初園刊本

定雲自積已復淩爲嵐我昔薄遊是偶值幽人庵坐我
白石上飼我雙黃柑悔不從之遊徒令今懷慙

過阿育王嶺

三里漸出村短筇且徐荷登嶺雲中鋪長裾曳雲過風
起林木號寒逼行欲惰飢虎當晝嘯響振眾山和樵來
促我前孤磴翻危坐水暗侵鞵溼葉擲挂衣破一笑向
茅茨橘柚垂奇貨

言懷二首

千古薄富貴誰爲可賤貧高士首焦先毋謂傳非眞生

年漸七十步歷忘苦辛仄笠村落裏拖筇溪谷濱今昔
此氣骨爾我見嶙峋自期老薑桂何暇君陶甄

思一著奇績古人已在先思一爲長厚斯世誰我傳兩
者俱無與悵惘三十年坐雨逾旬日覓市無樵船添炊
累及簞作飯反成餽辟穀果有方何復談神仙

扶杖起復坐鵲報見霽天庭來磨鏡客虬鬚雙紫顛殊
慙少此技鼓掌稱其賢客去且徐答爾意予不然爾知
工技美烏知工術專工術始足羨工技終無錢

某氏小園

墨囊稿卷一

十六四明叢書

約園刊本

空村秋旣肅相偕恣遊程筏渡復小橋蟋蟀猶野鳴三
折東得戶荔若爲門生古人雖好事亦欲閒其情花藥
自枯苑蟲鳥私經營登樓山色起亦辨樵與耕吾懷似
未滿窗北潮補聲依欄想風雨勿易傷故傾園公老畏
寒日景飯已成告我牆西曲美容方晚醒

九日塾前暴背

菊香觸夢早衰年忘分量暴背四五人愁喜各爲狀暴
力固無私寒頗作偏向主人迂朝餐杯濃酒初釀色笑
稚子來角黍熟相餉相視適予懷舉筯勿虛讓登高憶

古人下階步欲放誰憐籬側翁暴久轉惆悵

航中以上西村草

五里猶溪流舟沿紅葉去農家稻已升栽蒔意仍遽橋
西浮圖光廁身鳥暇豫人受耕植勞僧無風雨慮

探菊十二韻

吾人耳目娛天地代部署雪中既供梅秋花自有據經
營歷幾時東籬種斯著遂使明眼流廓清目前淤詰朝
九月初衣冷新加絮曾不嫌老疲良朋三兩與一里到
南湖蘿徑露猶如主人啓柴扉遠廊引西去參差數十
株一一人功馭神完無偏斜理足卻毀譽媿我非淵明
對酒不敢御徘徊頗似癡偶吟又太遽

湖干觀魚

雨餘湖半霽煙起力猶微稍見黑脊出徐俟金尾飛淵
深眾水聚魚力易爲肥來者忽復去水族殊適幾吾意
方怡悅漁舟無是非

楊露庵草堂看菊

畫能工雪勢不繪霜華光古今饒奇筆此法獨不詳日
前過高齋見君染丹黃我驚人瞠目恍聞真菊香今晨

復過君菊開滿草堂反疑前時畫參差四壁張始歎濡
筆妙指爪神靈藏我貧君亦窘無絲求壺觴有懷明告
君我髮已久霜霜固不可繪我髮堪細商請君一放筆
令我衰顏揚

趙友遺予菊一盆賦詩以謝

十年不蒔菊自覺無意義感君不我遺晚香朝見遺握
手向君言非敢立品地敝廬風泠泠牀竈相對置展足
猶支吾安菊設何位欲還殊拂情畱之虛高誼儻容付
酒家銜杯拜君賜

愚囊集稿卷一

十八四明叢書

續圖刊本

餓中得句未能自裁就正曉山三十韻

憶昔游湖干唱和誠莫逆我詩雖自矜披閱愛君直嘗
怨不同堂費此往來力得評擗之歸細視喜沾沾且無
論饕餮對酒亦忘啜有時君亦來語笑夜怕魘焉知有
別離江湖各行迹我近至西湖君遠踰東粵行止如相
避我出君復入臨風一相思向空徒悲咽君從不其歸
稍獲晤朝夕長飢療復難鄉塾就謀食似否通夢魂何
暇言促膝今幸各家居我茲已七十仰供諸兒曹三餐
分兩日飢胃如鳴雷句從餓餘述我固不善書無錢筆

愈劣魯魚千百中反疑出金石舉襟頻拭眵墨落互明
滅持此過君家衣帶時誤結行雖勿假筇步亦幾巨擘
自笑欲何爲僕僕衝雨溼少年相譏嘲此翁作狂疾吁
嗟狂非無差勝習他謫身前罹迍邐身後或蒙潔即使
覆酒甌良亦近香冽

坐雨

以上療飢草

曾同披雲叟

謂陸春明

聽雨眠湖樓中夜不得酒頗爲當時
愁爲知三十載拘束今白頭當此屋漏聲何暇爲酒謀

七言古

嚴整稿卷一

九四明叢書

約園刊本

後鷓鴣捕魚歌

湖南人家養烏鬼小艇風恬過蘆葦水面出沒波爲渾
頃刻艙中盈百尾此禽惡聲駭聽聞腥羶氣吐同蛇虺
萬魚汎汎昏欲浮脫者逃者應無幾橋南橋北去復來
欲養其力時徘徊倏忽沈淵探不測大鯉數尺穿其腮
嗚呼小鳥真如鬼謂魚奚辜罹厥災害成好殺竄報復
蒼鷹老鵲皆奴才

賣畫歌

幾日畫花幾日鳥高手功深畫始巧當時作畫畫將成

吾父趨踰忘飢飽掛之素壁裝潢齊開尊選客集品題
草堂十年歎賞眾花能爲香鳥能嘯吾父棄我未三載
精神所憑安可改焉知妙畫靈怪生思向豪家逞光彩
淒然自捧出街頭聚觀數人心欲收知我隱情語故別
無疵妄自吹毛求十金已賤更減六四金各作先後續
漫云吾父當譴呵卽使有知畫師哭

西郊吟

春霜骨薄白易朽草色隨風大隄走揮手欲招西山雲
山雲不淺亦不厚野橋蒼茫水括天耳目未至意已先
貧家耕鉏時力晚牛羊寂寞籬根眠我復栖栖過前渚
烏來漫作催歸語日午天和村寺南春光無情任爾汝

爲楊振公題所藏張東村洞庭圖

東村攜得浩瀚水揚向魚皮八尺紙迴湍矗勢驚老夫
雨裏嘗疑蛟蜃起長風相撼且暮來畫中便若轟春雷
春晴十日荔蔚解君山一點影始開乃信丹青貴幽意
五指通玄隨所至世人解愛不解觀焉知原委與論議
楊君讀書固莫倫胸中汪汪萬頃春畫鑑纖毫皆獨出
此畫典守誠得人余更有意向君詫古來神物當終化

儼然化去當若何扁舟去泛洞庭波

食烏葉菜作

去冬無雪菜不香今春雨多菜甲僵煮來生澀等惡草
家人強食怨聲長棄之傍人必驚詫賣之復恐爲欺詐
棄賣居然不自繇仰看飛英掛簷鏤

宿寶嚴山寺

以上南軒草

空天寥寥天凝霜明月照梅來孤香三更漸足鳥其語
豈亦歎賞花中光老僧煮茗忘辛苦種梅何代聞同數
月落雲生已滿樓一燭熒熒隔號虎

感懷稿卷一

三四明樓書

約園刊本

秋日南樓感舊

七

颯颯寒風吹北牖葉積空簷半梧柳頻上頻異南樓心
非止鬚眉稱老朽憶昔少時百無知晨夕樓頭隨吾母
徐讀論語十餘行便已啞唔索菱藕角黍旋來但飽餐
那知風雨悲重九歲月稍長室有妻視我不異事姑舅
雖稀雜佩勸贈賢頗貯餘糧令分友夜鐙一卷更欲深
提衣相加嘗恐後雞號夜半方就牀夢亦熙熙無掣肘
毋恩妻養三十年母逝妻姐事事否登樓興味既蕭然
出門里鄰戲呼叟三兒俱壯成了男同布巾簪逐升斗

今晨薪少炊飯生喃喃背面反我咎咎我終年嗜苦吟
惟博他人一肯首詩能窮人誰不言餘波乃令吾曹受
吁嗟兒曹真無知相與解釋彌多口盛衰理微未易明
亦勿怪彼語意醜我姑置是一題句秃筆直書似蝌蚪
須臾莫辨期斯形仰笑急取投諸篋下樓荷鋤去南園
細析高麟詩新韭

宿故人于張紹中家

日暮抵柴門鐙火方晚食小童報客來張子喜盈色引
母出見罷脫衣剖魚急須臾進殺果始各吐胸臆母言

感齋稿卷一

三四明張書

約圖刊本

昔時先老人見君百事都忘嘆牀頭藏酒自封識知君
歲至當秋旬於今化去已三載齋酒待君幸未改孤兒
世事尚糊塗教誨宜同猶子待我聆此語淚潸然故人妻
子何其賢世上悠悠且暮易豈向故舊深相憐張翁有
妻復有子目中形影如不死他時冥報當若何好述張
翁傳一紙

打鴨歌

打鴨打鴨鳥鎗機發煙火作轟然震耳鉛到湖不著野
鴨家鴨著兩卒奪舟急取歸猶嫌家鴨脂弗肥旋轉舟

中忽滅迹荷鎗歌笑湖邊磯畜鴨小童來許語還我家鴨
我有主平言汝主柰我何有鴨無鴨試驗取索鴨不得
小童噓力逐餘鴨鴨愈迷童心怨極聲欲啞翻令烏鎗
爲我打

思飲酒作

今人縱飲殊失算古聖惡酒亦得半裁度古今得失闕
孔子曾教飲不亂老夫幽居百事難鄰家餽午吾朝餐
有懷但欲爲微醉無從覓之眉幾攢卻取空觴傾入口
亦覺酣然如飲酒

幽齋稿卷一

三四明叢書

約園刊本

寄贈瑞巖李叟

雲乳峯前李家叟朴素相傳居隴畝千溪水落匯門前
沿隄深入皆榆柳生業不豐亦不貧種蒔多年代富人
秋熟輸租得贖穀兒孫飽食寧苦辛籍雖無田亦無役
縣庭由來鮮足迹日長煙消早掩扉犬自安眠雞棲柵
朝來拖杖向誰尋初癸長橋看浴禽登山伏虎何須訣
過市醫牛尙有經迎貓獻蜡必躬率他客勿招亦勿疾
春秋往往呼里鄰同割茅堂無稅蜜世事紛紛那可矧
瓦盆濁酒頗懷思太古難從想像得於君始悟上皇時

買湖魚不得 以上南樓草

黃魚一觔六十錢價高止充富室筵貧家粒食且弗給
有魚無錢徒垂涎湖魚價賤買者眾漁子手眼殊倥傯
今朝有錢不得魚貧人百事皆蠱黷移錢易米得二升
園壺選吉此日登煮飯烹羹亦足飽口腹絲來無所憑

夜坐吟

山青青雲冥冥冷波流月聲清冷燭花乍開飛長星微
風吹來蟲夢惺

喜二周子至西冷

風齋稿卷一

西四明叢書

約園刊本

出門二月歸夢多半走西村半蒨羅閒來兀坐南樓上
手持二子詩朗哦妻兒覓米低相喚醒來忘在吳山畔
披衣起視月照牀人傳故人在錢塘須臾果見故人至
清風亦動花亦香言曾見我妻兒面家雖寂寞人頗善
見我故人復見家笑向吳山雲影見

寄湖上潘子霖

新月飄飄湖上去漸到潘生讀書處光寒湖水秋欲香
潘生此時坐草堂家貧愛酒不能得但令兩子誦文章
讀罷孤行兩隄上蒼天見此應惆悵蒼天蒼天奈爾何

投荒谷野老不吾疑委運祛煩惱斯理將在茲聞君有
同懷承言寄此詩

己亥歲移居南陽竹素莊作

有序

昨歲故人朱士稚客游白下愛燕子磯前小洲抱江
如月幽篁叢匝欲與余築精舍數間退老其上題曰
江村細竹庵迴壚雪川嵐爲言之余僅笑而諾焉今
春余卜居思溪之南陽曰竹素莊者遂有終焉之意
因憶杜老浣花非有力代營勢所不辦而袞浚一角
隨地或可偶乞也誌之以詩旣用廣朱亦以自慰爾

雪翁詩集

五言古

十五

四明叢書
新園刊本

舉世尙營營達者貴樂生古人居樹下茅茨亦已榮冰
泮春氣融風暄榆柳萌東臯盡耒耜我畚墾且耕人歸
林犬吠日晡村雞鳴我還攜兒子把書不簪纓嘯傲遲
朗軒待君倒屣迎開荒澹素襟虛室養頽齡斂性就幽
逸淳悶返無名庶幾自然極栖遲任流行

贈周筠

寢跡市廛裏顧盼知者誰經營簞瓢足偃仰有所歸曰
余訪然明星火西流時望望田稼登淅淅霜草衰試聽
一言善清醕前相持邈然兔置風能詠漆沮詩披襟與

之諧通識可解頤懷哉返園林相思常在茲

竹素莊閒居作

貧賤可肆志富貴如浮雲悠悠紫芝詠慨然懷斯人潛襟歎耒耜柴門閉荆榛膏雨湛華木冷風鳴幽筠雖乏南山駕西嶺眺轉新朱絃有時發白鶴下斜曛當年臯隴上長嘯華陽巾擁褐將已矣屢空非所論

憶別梅里祁六班孫諸昆季并示朱四角調

人生化富返清暘逝隙塵因之愛親友惻惻春宵晨去歲上剡縣枉路過君門吟諷遂情性得與諸子親牀下

雲翁詩集 五言古

十六四明故書
約園刊本

屐互著檻前荷共薰悵然離邈來忽已及仲春漪漪震澤瀾鱗鱗弁嶺雲搖月徒有夢懷風渺無因高齋事藥臼疴起步松筠雙燕迎我飛聊側九華巾

蓮花莊與朱士曾

髻叟嵩少還常吟洛下詩偶過子昂宅愛其洗硯池池水遙天碧楊葉四面垂風來滿院涼揮毫書所奇一行青鳥下兩行鴻鶴飛何因寄王母遙與東瀛期閩邱饒玉酒招手未爲遲

哭吳理禎

有序

賣田買書讀始周賣書買薪兼買穀愁來尋友只董生
倡予和汝鑑之陸相對每以米易沽有餐不給時爲粥
西村二周聞此聲不以爲非相往覆晝行同訪卽園子
夜舟旋過鐘潭宿乳峯三隱嶮巖中新詩句句畱人目
只今隻身走西冷破壁寒霜笑鄉熟荆江浪轟夢畏歸
悠悠但倚空庭竹竹聲淅淅如雨聲酒憶故園徒捧腹
不如返棹喚董生醉詠梅花罌湖屋

寄殷靖值齋前落花

欲將異鄉心寄君庭花點點心紛紛攪花向窗入

墨彙稿卷一

三五四明叢書

約園刊本

殘花著紙心殊怯拂花作書心未能裏花一封君好承

吳山夜歸

四野歸來鳥滿林喁喁各訴今日心道人磬起鳥聲寂
遙視江平星影深山中露早光漸白燈火萬家獨貧客
曲巷紆迴月有無鐘過柴扉枯葉擲

登南屏憶與子霖遊眺處

積葉不記山中路卻向崖頭扳藤樹曉露初消苔蘚寒
北山雲屯若雨澍此中遊人無賢愚問我佳否心躊躇
浮鷗在湖楓在渚手弄白石誰與俱故人茗水多名迹

太初流風近咫尺，明月孤舟夢或逢。
應道黃山有酒客，子霖子霖誠幽人。
思爾逾覺湖山真。

湖北小園看梅

梅花亦聽世運劫，每對孤山心鬱結。
六百餘年繼者誰，寥寥空負山頭雪。
別卻孤山何處尋，梅花好在幽人心。
獨立花前審神氣，梅花自苦香淺深。
小園無徒鳥爲侶，思嚼寒英鳥見許。
漁翁釣罷西陵橋，吹竹一聲梅欲語。

西溪看梅

梅花不逮曩時盛，竹屋茅庵尙相映。
一年兩度領香光，緣結梅花荷天命。
溪行漸遠午煙重，梅花半塢隱疏鐘。
水清翻憶餘杭酒，雪積遙看天目峯。

寄西溪主人尋臘底看梅約

春寒正月騎蹇驢，過子溪上梅花居。
至今清夢落梅裏，發我幽情時讀書。
聞君下溪稜頗熟，新酒自當釀數斛。
但言有酒必對茶，請醞牀頭臘深澁。
相約毋云時尙遐，郵筒須徧傳山家。
儻能留我一月飲，醉吟必不負梅花。

同周證山湖上作

湖裏看山秋在山，山頭看水秋在水。
兩人上下湖山間。

山水相涵秋自起空亭久坐心愈奇落日平鋪煙火暈
行到第三橋上望鷗挾香飛荷未知

山閣眺西湖見子霖幽居處

遊子薄醉袒鷄衣獨立懷古鷗鷺飛蘇公去後六百載
湖中無人領清輝長隄橫秋光欲溢三兩漁舟釣落日
天高水遠深我思月來偶見幽人室幽人此時何所爲
緩步策杖香桂吹山空湖冷心浩浩儼然有會當語誰
湖上訪潘子霖不遇

種田湖邊稻少成種蓮湖上藕少生人情似我亦惆悵

高齋稿 卷一

壬午四明叢書

約園刊本

潘生落落湖上行潘生雖貧善釀酒小童解留主人友
湖中雀鼠知君貧湖園不敢傷瓜韭昨朝雲起湖北頭
念生意致來林邱卽此湖中秋已足生復探奇何處遊

內人五十生朝

以上湖上草

去歲余五十感君祝壽登南樓今年君五十余仍飄泊
留他州他州何事遊不足不返故園共焚菽令君一人
坐南樓佛聲欲住眉仍頗憶昔與君壯盛時服飾飲食
百物宜七十筵前賀父母我年三十適同期咄嗟世事
胡易改家業無多幾書在逢君四十心赧然多爲好

云有待詎知此日更蒼茫晚菊可怕天各方三男一女
雖繞膝豈及相對談家常始笑迂儒作事謬六十他年
何所就古言莫作太常妻今日深叻老學究

東郊望南山

隴頭刈麥聲颯颯隴畔耘者互問答風吹鄉語半難知
林陰坐視南山塔峯形起伏如迴瀾片雲不興蒼翠寬
是中應有高隱客我欲從之相盤桓

赴蘿巖山足土人飲

以上蘿巖草

村田雨足耘籽餘截溝下笱多得魚劊羊作黍迎貓畢

學業稿卷一

三四明叢書

約園刊本

紛紛高會啓茅廬捲袂叫呼頻出席臺兒進酒濃如液
數言慙媿負賢賓滿斟自飲時狼籍野人天性切莫嗔
我亦敲戾頭上巾短笛柴門亂歸牧晚涼風起吹溪蘋

九日歌寄賣菊翁

遊人好事猶做古九日登高各儔伍予聞晉隋人不然
反從正七及十五要知登高不拘時有酒有客卽相宜
長房談災亦偶爾取必重九毋乃癡賣菊老翁嘗笑此
閒日峯頭一納履夜皎孤瞻海日升晝晴長逐山雲從
登高如是真解人老壯遊情無屈伸近日菊開應不暇

一月花前惟飲醇

索友人園竹作杖

以上薛蘿草

昔遊古虞值方叟贈我古藤爲我壽稍嫌磨削太精工
旦夕頻費拂拭功今見故人園中竹年時綠沈如碧玉
不雕不琢自可人欲求一杖應弗嗔扶持病身免踐蹂
賜予不居粟帛後

食蓀粥作

主人色喜呼兒孫慙慙夜作先生飧檢蓀如丸得數掬
併入鐺中煮作粥舍西山脈汲清泉武火移時不住煎

愚齋稿卷一

三四明樓書

約園刊本

米香蓀熟味甘滑一飽胸懷稍欲豁放筋摩鬚細自圖
我家今夜得炊無

題贈漁人

初晴睡起展篷窗蕩槳去釣東南江東南水暖魚所聚
輕船好侶來雙雙相呼入浦共沽酒雨後折蘆可炊否
沽少重賒飲欲豪潮白天空月如斗

早起吟

林受吹煙煙欲凍老烏夜唳朝續夢平疇霜瑩遶西山
起伏恍疑麋鹿動掣衣入戶坐繩牀攤書眼暗頻拭唾

慨然既知吾老矣讀書聊博斯須喜

齋西古松一樹人呼爲大夫子代之解屈

泰山不欲秦改封誓之以雨風亦從風暴雨惡山道險
庇遮偶得殿邊松當時遂競傳奇事若爲松幸邀天賜
焉知蒼叟有本根豈藉祖龍別軒輊我聞秦爵分九秩
五大夫乃爵之一始皇封松最下官松亦不幸罹屈抑
今人反謂松五株秦封五株五大夫罔辨秦官旣足笑
胡爲凡松舉以大夫呼或謂秦惡徧天下何意風雨弗
相假儻非松勢盤鬱蔥泰山幾若君山赭吁嗟此語殊
不然誰雪泰山松久冤太山松冤亦已矣茲松且勿相
妄傳我告此松松自若雙鶴來歸聲落落

北江看捕蟹歌

二里至板橋三里到江潯潮信西風浩浩歸捕蟹人家
才出浦小船雙槳去若飛霜深月黑蟹初肥草梁十里
捕未易岸傍負販忘朝飢人言蟹性寒食之恆敗腹請
勿事貪饕慎毋使勝穀我言飲食貧家難富者腹飽寧
畏寒猶憶少時頗酷嗜二螯八跪如鹽齏獨笑食多亦
履咎吾腸亦若蟹無有

別南樓吟

年時慕作花鳥主容膝南軒浪揮麈名福無多鳩欲來
何巢可退吟風雨先慈供佛開南樓石磬吾曾擊素秋
儒書且並梵典列茗茶僧果猶能畱腹興容易逾坎坷
父子吁嗟若相和百年生計果何如十日煙興卽堪賀
南軒不守幾酸辛此時彌覺懷逡巡最是樓頭今夜月
照來不是苦吟人

齋北漁者惠巨沙魚一頭詩以言謝

洛中宜鯉伊宜魴索價嘗貴比牛羊貧家夢想不相及

戲齋集稿 卷一

三五四明叢書
約園刊本

但求魚婢權馨香昔時先子擅風雅多買鰕鱗細切鱖
於今塵滿空坵存親友蕭疏華鳥假君爲老漁泛海杼
鯨眼化球曾見母大鱗出入湖消長此語祇應傳者誣
又聞任君氣高邁釣鰲餌投十五犗何似王公蕩孤蓬
珍重絲綸不肯賣我亦嘗遊鑑水中垂竿偶獲赤鱣公
波濤險熾膽不吐姓氏見黜漁家翁自嗟白髮已如此
感君雅意厚爲禮烹羹旣得鋸齒烹炊飯當求長腰米
過倪老人幽居有贈

古來幽人心無欲古來幽人身不辱破屋蕭條風雨中

翠鉤僅可消脫粟庭前脩竹蔭階除欲眠欲起無躊躇
齋香自注看經罷稚得茨菰兜滿裾我更勸君向籬側
稍植黃花寄語默

寄賣菊翁生日

寒風不凍空村夢直到西溪鐘未動菊翁擁褐坐高堂
兒輩稱觴兩伯仲我進祝詞隨口拈一詩卽作一籌添
翁笑舉杯且命筋罌粟苗茁初出泥莫以此言虛相擬
感翁精誠自應爾祝壽果能夢寐通好夢年年當細記

答白雲眉山和尚

愚齋集稿卷一

西四明叢書

約園刊本

老僧策杖拖芒屨細雨到門升土階主人開軒延之入
鵲亦何喜雙噪槐端坐不言亦不瞑髮白四垂凸中頂
須臾詔我顏莫愁身能貧賤卽高等我謝老僧漫相訓
豈須貧賤始安分自來髮燥及鬚蒼雖慙家債他勿償
罪過無他待懺除傷時稍著數篇書於今併欲芟文字
老僧雅意謂何如

嬾雞歌

以上西村草

昔嘗怨雞太早噓誤我眠起無端倪今怪此家雞獨嬾
令我眠起日漸緩彼何爲早此何遲微禽豈分黠與癡

點者固多人許與而癡伴我南窗語

愚叢集稿卷一

愚叢集稿卷一

三石阿明叢書
約圖刊本

愚齋集稿卷二

明鄞宗 誼正庵著

明鄞周斯盛證山定

五言律

山家

山谷無升降於今樂自殷
四時仍社臘半歲在耕耘
溪色宵流月松聲曉動雲
近來聞有信賣犢早輸軍

訪陳鴻賓先生

道在何妨賤經年住廢墟
苔痕深雨雪松影長
圖書問

愚齋集稿 卷二

四明叢書
約園刊本

僕勤鉏菜呼兒暇釣魚
皤然頭上髮短禿不煩除

餉余生春菜

以上南軒草

同爲淪落客我獨得園居
月旦聊相贈栽培庶不虛
味原經野雪香可煮湖魚
儻愛閒爲客春風來共鉏

舟發蕙江

浮萍先我去孤艇夕陽平
野骨兵戈賸荒藤亭榭生
潮高村水亂山斷遠峯迎
悔作馳驅予風塵幾度聽

南樓卽事二首

偶檢殘書麗窗明喜乍晴
水經連日對竹譜比年成賀

監春邀社龜蒙舊訂盟

謂陸明懷

歲時還恃此華髮漫憎盈

朔望加冠服祠堂集拜齊樓危慙上世衣綻泣亡妻語

默逢今謬文章受性低呱呱憐稚苦引手一提攜

偶成二首

穀價雖非貴貧家柰賤何酒難連夜得衣畏小春過暇
日知遊好衰年覺悔多詩成還自笑爲爾受蹉跎

近事逾難測從前益莫論海桑餘草徑人馬共柴門暫
值月當榻空懷花滿村昨喧仍稅屋清夜幾驚魂

齋詠 其二

愚齋稿 卷一

一四明叢書

約園刊本

新曦小鳥樂百轉吐嬌音以汝知天事將誰語我心林
靄雲尚溼藻怯水初深自對庭梅後寥寥已及今

拔菟

昔蒔殷勤甚今除似不情向蔬懷始末俯首念生平老
竹吹風冷新蟬見月鳴後朝六月望計穀已將成

西村晤周證山於是別十年矣三首

交情無聚散別況未能忘事故於今甚鬚眉使我蒼殊
甘葵蠶老尚帶酒歌狂頗欲掀髯語叨叨復恐長

吾竟稀他是長懷朋友真不慙嗟老眼終喜得斯人兒

女貧中大詩文廢後新相看村閣上且莫問高旻
歲月當吾輩茫茫更易流難陳十載夢好認一湖秋身
世何煩定山川且勝遊漫憐愚老憊猶健豆瓜謀

過慧林寺小飲

以上南樓草

偶步斜陽內元公向我迎短籬緣筍外小閣與山平煙
出柳先晚月來花復明尊空猶道賁童子各爭行

送二周子出北關

關前一相送關外草沈沈人事薄來去草生知古今初
晴方日午自重在春深別後相思發湖光還獨尋

愚齋稿卷二

三

四明叢書

約園刊本

西泠香餅園雜詠二首

亦知宜涉世屢勉覺逾難明月黃初夢晴窗紫芋餐淺
深鉏教僕長短句題竿欲作歸田計蒼天幾佇看
忽忽竟何事蒼然爲老夫固知誠有命每欲咎微軀清
露修簷仄寒風亂草驅叨叨憎烏鵲凶吉爾何須
賤子求誰識空齋勉自安園雞鷺月早江雁出雲寬目
病鑑煎菊身閒砌護蘭讀書聊自慰兼欲引盤餐

證山客歸

細雨竹聲裏黃花夜色微青燈雙影是黑髮一秋非楓

葉家鄉好霜花客地肥憑君語我子莫謂尙單衣

懷歸

桐高落不盡夜夜向窗吹白髮妻兒寄青衫歲月隨園
空安月漏屋老受霜欺亦似知天命無端風雨思

韜光二首

數里林中路到門天始開雲聲披石起湖色薄窗來衲
老能生竹颺馴不損梅階前泉自潔借飲坐莓苔
仙佛鬼然共吾將曷叩諸好嘗松頂茗去讀古人書夏
亦生紅葉時方長綠蔬山深氣候足鳥語似春初

愚齋稿 卷一

四四明叢書

約園刊本

九日吳山

爲客不免俗登山天漸晴雲開窺嶺遠帆仄破江平近
市午煙亂荒村秋色橫茱萸何敢慕山店聽松聲

西溪訪友二首

廿里風光內到來聞鳥嘯黃花三面水綠橋半邊隄月
起當門早禽歸掠戶低比鄰多釀酒有客輒相攜

卜築百餘載柴門誰往還引兒朝入塾訪衲午登山煙
過芙蓉冷秋晴蒨荔閒怕情數雞鴨手向柏枝拔

夜聽雨

夜永嫌多夢清尊且自憑疏鐘出細雨落葉近孤鐙作
客何當老思家未若朋鄰翁猜水發索索理魚膾

荒園

荒園日欲上梧落啓柴門鳥過銜藤露人來倚樹根寒
初安敝服病後喜清尊乘興登鄰閣雞鳴江上村

湖南綠隱庵題壁

一湖山水勝此地頗能兼異卉知人少深林見鳥添天
空雲近屋冬霧雪侵簾高坐都忘久留餐不我嫌

至靈隱

墨齋稿卷一

五四明叢書
約閣刊本

秋靜遊人少徐隨牧子羣客心亭上冷僧課石中聞古
木從禽穩清泉聽竹分山青雖九里時見萬重雲

吳山夜望

潮罷海門寂沈沈星影含數峯漁火外孤塔雁聲南夜
市誰家急秋懷客獨耽江平雖易渡歸夢莫輕探

南屏有孫太初卜居詩步韻懷之

欲求三徑跡問訊往來頻當日稱貧士惟天愛古人煙
霞存舊物木石少閒身俗被先生澤今猶可卜鄰

鳳皇山南爲宋故宮

豈必興嗟歎興衰此舊蹤
夜燐埋骨冷朝雨拖煙濃
麋鹿花無苑牛羊草沒封
諸孤應自可慙媿在高宗

懷余子生生

一囊山水際遠勝老於家
徧識他鄉酒高吟到處霞
勞心求好友得意插名花
數別殊忘歲蕭蕭鬢各華

西湖秋夕

蕭條將入夜返景助湖晴
欲老三潭事須爲五畝耕
草蟲生露氣蘆雁落秋聲
漁棹歸初繫分魚趁月明

示友人

履齋稿卷二

六四明叢書

約園刊本

卑論難安處西冷猶互鄉
自存貧賤性不負聖賢方
明月窺天闊秋風誤夜長
無聊如老衲煮茗代壺觴

遣興

亦就人情好空齋作梵音
溪風茅屋遠山雨竹簾深
命薄兼朋友身微誤古今
俯思還自笑起逐砌花陰

獨行

偶涉蔬園北香凝草似芸
鶴吟摩嶺雨鷗夢入溪深
早豆村初賣遲禾隴半耘
風聲涼乍到客況若秋聞

又至五港觀社

十里殊風俗逢逢鼓屢鳴酒盛三斗饗性準百觔衡拜
起憑衰壯逢迎別弟兄最憐優哭處羣眼淚俱盈

南樓北望

極目寒空遠青山幾點浮引愁非爲病入興偶宜秋巷
寂聞飛葉湖晴露過鷗晚煙將四起吾竈得炊不

題小影

木偶眞同我丹青復任他論心須自定貌影欲誰何
瘦兼瓢荷松高隔水哦細傳癡絕處猶覺少婆婆

江夜

愚齋集稿卷二

七四明叢書
約園刊本

一閣風初寂長空霜氣生荻留寒雁闌月被小潮明夜
織緣江動村春隔浦輕漁歸更二轉語笑見渠情

之江浦訪僧 以上薜蘿草

暖日烘人背荆榛露漸消餘花畱客徑獨石到門橋
綻冬纔補廚荒午未樵蒲團呼我坐一聽夜來潮

九日書懷

悲感應時有重陽漫歎嗟詠吟增老態風雨屬貧家
論火纔烹芋投薑亦代茶癡孫噓角黍裹飯只言差

采菊治目四韻偶成

旭照空庭半籬東採菊枝插頭還笑鬢洗目且除眇似
少看山興殊忘折柳思火紅湯正沸代茗亦差宜

懷南樓

以上西村草

五十餘年意偏慳老至緣夢沈孤塔雨望失十洲煙覓
主憐禽誤催詩負月圓昨從鄉塾返猶至闔扉前

中秋夜膳

以上療飢草

敝廬敲窄甚側徑向天覘對此中秋月欣然一筋鹽砧
聲鄰石住蛩語草根添擬夢將何至虹橋舊酒帘

七言律

戲筆稿

卷二

入四明叢書

約園刊本

宿西郊五港

夕陽樹影亂平川野老相迎放渡船乍入柴扉聞稻氣
纔登草閣見楓燃傷生頻語畱雞鴨感舊因人數歲年
餐罷獨遊籬竹外月寒微露自涓涓

南軒雜詠

其二

以上南軒草

草堂幾作夢中塵庭木榮時一辨眞暫理家貧遊藥市
猶存野意岸紗巾江湖已嬾求名士松菊奚堪獨善身
昨日曾登高處問神州何地足尋春

交溪晚步

老衲相攜過祝灣東風一艇釣魚還
萬雷落照浮春草
鳥斷孤雲見晚山已慣青衫離亂內何妨白髮圍畦閒
此中風俗因人見欲買溪南學閉關

雨中簡董曉山

久罷悲歌鑑水邊岑岑愁色已經年
夢遊貫月雖仍得
醉索眉山余生生遠遊了不然
七子一編評在爾五年三友

哭惟天君來莫厭瀟疏雨妙粟廚中正放煙貫月陸披雲樓名

老庵夜坐呈道嚴大師

聽鳩明日又嫌晴竹屋無言繞佛行
山冷蘭香當四月

影齋稿卷二

九四明叢書
初四明叢書

鐘昏雲凍已三更危峯落石鐘還應脩竹通泉砌隱聲
聞說楊枝多淨水願揮數滴救蒼生時大旱

宿上雪

野衲攜茶歸晚煙寒香不惜向人傳
遊成好友他時約
夢穩名山此夕緣
新月自分深樹內疏鐘欲上亂峯前
胸中已覺無餘想市遠沾難稍自憐

南樓早春二首

危樓每上興蕭然約略風光似去年
漸老喜逢同甲友
方春憂辦納丁錢
滿庭雪霽初生草正月天寒尙怯鵬

獨幸梨桃兵燹盡落花可不到余前
遊倦歸來破屋存尙何高議與卑論
飢來蔬食嘗踰午
做到衣衫欲杜門
壓竹濃煙看篠簋
溼梅細雨覺香溫
惟難忘卻西冷道
古榻殘衾勸夢魂

夏日齋中三首

塾課乘餘且倚藜
踰階丈許卽蔬畦
細分草木陰晴色
嬾辨烏鳶好醜啼
佛號齋期增老興
果香羹滑作佳題
清塵自曉毋煩鏡
須怪星星未肯齊

六月鶉鳴何是非
力衰罔敢發歔歔
數株蕉雨多逾響

學藝稿 卷二

十四明叢書

幼園刊本

一樹槐雲久漸肥
溝漲亂通鄰舍鴨
窗疏寒益主人衣
頗添私喜敲扶屐
遙望青山勢欲飛

兩蠶蟬鳴抱柳枝
救飢將次穀升時
雖雞誤逐他羣母
客燕猶憐再乳兒
羊角豆肥醅地方
雞冠花早報秋思
吾心悟得栽培樂
趁涼颺弗覺疲

感懷二首

久忘登樓論舊題
北鄰筍長並簷齊
鶉鳴夜雨經三月
馬躡斜陽戀一隄
貧但任天胡足怪
詩雖違眾已成迷
此身入要幽居好
六十無輕信杖藜

髭髮皚皚容易盈里門聚首漫相驚也貧方外燒丹鼎
卻誤牀頭簪酒罌西岫羸高宵益秀湖魚米小暖纔生
下樓攜得孱孫子取竹教他作馬行

南樓有懷曉山 以上南樓草

年年竹樹借西鄰姑道今年付主人風雨空樓同此夜
賤貧到處厭爲真近傳學步兒尋父猶念分餘鳥候晨
遠客粵東猶未識程江思在甬江濱

題湖北潘子霖齋壁

高齋歲歲一湖清童子迎門解客情日轉松枝驚犬吠

愚齋集稿卷二

十一四明叢書
約園刊本

雲屯石骨誤隨行能閒日月非無用到極詩文自少名
談罷止余竹榻上臥看秋色兩峯生

飲雲居友人家

十日秋晴三過君秋光君不惜同分鳥歸湖畔籬邊下
榛落山中瓦上聞已醉偶眠成好夢欲吟還飲竟斜曛
袒衣且自躡跚去楓葉紅時來論文

西溪卽事二首

柴門半掩綠苔生無事丁男不入城園筍有租非易賣
山茶可摘尙須晴遠尋花處蜂遲返解伴人閒燕偶鳴

風俗此鄉兼種秫村沽能醉且頻傾

引我紆迴過竹林數家茅屋可相尋初眠蠶藉桑條嫩
一陣鴉浮草色深雖有哀鴻愁老婦且無遊騎駭棲禽
朝來雨足池塘滿荷葉芙蓉力已禁

訪賣菊翁不遇

雪凍三番梅漸肥屋傍黃葉閒飛飛長齋自不尋溪釣
好事還多與衲依雲觸藤香留獨客風搖竹影叩雙扉
北峯前日同登處俊鶻盤旋自適機

齋詠

虞龔稿卷二

十二四明叢書

約園刊本

古木蒼煙鳥語幽何緣俯首爲身謀無才詎敢輕言命
有興惟宜靜眺秋園窄量芟遮檻榦地汙深浚遠階溝
獨嫌鄰北梧桐葉故爾旋風打敝裘

泛西湖有感

遊人簫鼓竟忘年方笑貧儒放小船吳廟鶻來纔霽日
宋陵人指近寒煙陰晴幾箇漁舟穩南北誰家佃稅全
且上西泠橋上坐只今秋老定無鵲

買甘菊

野人農隙栽甘菊九日擔來城市中本草正宜余病目

代茶亦效此鄉風自叨晴雨春前力相趁幽芳秋後功
我欲明年培萬本攜花換酒或堪供

湖曉

雁羣欲起意還慵我亦依依拄短筇殘月兩隄人負販
清霜一院衲鳴鐘荷枯氣積雷寒水葉落光搖動遠峯
喚渡欲尋南岸侶平湖十里野煙封

自迴瀾橋至冷泉亭

遠眺秋光似可攜近山秋復過橋西寒溪溪鮒瘠花爲餌
峭石松危雪作泥亭下有僧方瞑坐寺前無鳥只聲唳

愚齋稿 卷二

十三四明叢書

約園刊本

何當北上高峯頂看日初升第幾雞

賣菊翁七十

七十頭顱未肯蒼登山矯健若騰翔幾人有道堪稱老
何事無天且任狂靜洗芡菰烹帶飯擣多薇蕨瀟爲霜
我來始識山家暇一日幾同兩日長

十月十日湖中

郡人以此日復掃墓

霜深木落北山頭野叟相呼上小舟十月居人重拜掃
五年遊客媿松楸風生隴上鴉爭集日曬湖中鯉暗浮
矯首西南諸墓道煙飛縷縷入余愁

五十初度

黃山曾忝幼時緣忽忽於今四十年既妄蹉跎成里老
聊賒耳目補湖天雜陳小饗壘鹽味誤撥烘鑪楮烟
多謝梅花增逸韻蚪枝數點向齋前

證山北歸至西泠邀余夜話

蕭蕭行李北歸人相對空齋月欲親文字竟移山水韻
功名猶後友朋真匡牀去歲鐙前兩尊酒今宵楫裏萼
到里知交如問我爲言好飲近逾貧

贈陳孺子先輩

高情處處屬煙霞半畝園亭亦室家竹裏支門旬日雨
籬前舉酒一秋花生魚不釣未盈尺古籍常鈔已滿車
五岳可遊猶未決爲憐知己困天涯

武林遇鄉人

毋笑迂疏一布衣剡川深巷有柴扉他鄉忌諱猶知少
舊日湖山頗覺非貧後漸於書史密老來何惜姓名微
與君漫爾悲飄泊白墮黃花且共依

客居西湖贈陳孺子

五十髭鬚半白侵頻年落魄住湖溇不能善飲翻耽酒

嘗自無題輒苦吟訪菊蹊從黃葉遠聽松杖倚白雲深
尙餘清夢難求處曉覓西冷橋上心

舟至湧金門回望湖中

舍舟路復入荷蕖小立沙洲意自如山雨未成盤野鶴
水風旋定集村漁漸平落日林園受已起寒煙歌吹除
湖上幾人秋自足高莧點點雁來初

初至賣菊翁家

百年松屋半荒蕪溪繞庭前長綠蒲幼子已知迎客禮
老翁猶未要人扶稍存伏臘雞豚數先作征輸米粟圖
相其只言疏款接殷勤頻勸盡殘壺

有懷圃茶寄兒輩

以上湖上草

菊後栽蔬直到茲春風春雨已皆知長年計口無他味
此月瞻天可刈時莫以未勤傷厥性更緣奢望轉多疑
近聞鹽價高於昔汝母朝來又皺眉

去絮

歲歲他鄉若轉丸媿言帶博與衣寬天于客舍寒喧亂
絮到吾袍出處難憶母空思添綫密逢人幾忘捉襟殘
爲論當日羊裘子六月桐江應獨寒

贈待棧湖姚老人

小築依山復映湖，柴門半昃倚菰蒲。
完租得穀田無役，供客求魚釣有徒。
徑內松陰方過午，籬邊鳥語代呼奴。
秋風近漸搖林木，補壁遮茅泥是塗。

別撻雲閣

漸熟林泉日應酬，又將攜笈徙南州。
殊懷閣外三更雨，難負窗前一塢秋。
別後或通梁鳥夢，留餘誰爲野麴謀。
獨吾明月知斯意，到處相隨照白頭。

過撻雲閣小飲

愚齋稿 卷二

十六 四明叢書

約園刊本

每懷高閣輒蹢跚，老性方宜松桂寒。
能解容身隨所處，必求避地此纔安。
板橋舊仄牛羊慣，茅屋新添菜麥寬。
楓杪夕陽斜到檻，清尊徐挹不知乾。

寄周證山卽墨

以上蘿巖草

嘗疑斯難豈其然，大阮冬深信確傳。
近夜屢成歸客夢，去春曾賦哭君篇。
固知獲罪繇飛謗，猶幸爲官不愛錢。
莫謂南回行李少，空村尙贖幾荒田。

重至山門梅村

菜豆花香引路遙，十年遊客問誰招。
山清應罷今宵雨，

港斷猶通向午潮草屋隴頭迷舊徑故人籬側認歸樵
東風何用酸心目閱歲於今耐寂寥

齋樓漫興

雨過孤村見落暉老人相喚出柴扉茶芽始吐先論價
麥腳初齊各計飢溪霧壓船漁好去村煙埋屋憤知歸
傷心北隴棲遲處今日烏羣自在飛

夢醒

夢醒松窗日已升回思身世欲誰憎固慙壯歲多驕蹇
姑謂蒼天有廢興五字亦徒吟白晝一毛能不笑青鏡
目前信作漁耕羨身老兒孱恐不勝

梅村吟四首

稍悟從前過任真比來贏得老衰身必逢上甲纔當世
欲守三庚未有因潮溢河魚飛避鹵麥齊隴雉唯懷春
樓頭有意誰堪供窗對梅花作丈人

遮寒敝席代爲簾雖屬貧軀養欲嚴漫辨癡腸拌鐵石
甫知梁肉孫贍事當可委無留眼愁亦何關屢拂髯
海畔春風宵更厲布袍雖綻且徐添

竹暖春晴晝落陰婉辭佳客漫相尋登臨有興年來淺

風雨偕愁夜半深
禿筆蘸硃評古罷
瓦鑪注火看煙沈
嗟吁讚賞都無補
吾欲荒唐慰此心

著屐長脰輒趁泥
寺門斜隔木橋低
貪眠砌側牛春喘
擇食峯腰虎畫颯
古佛何年從蘇捧
老松自昔受嵐翳
僧家相見殊歡洽
贈我蒼條代杖藜

壽周方人六十

以上梅村草

高樓日讀幾家書
老眼摩挲定溼祛
服芍有兄歡若此
付琴無子意何如
要知壽譜詩文闕
莫謂貧添歲月虛
笑我近無升斗蓄
也稱長者據危廬

懷素稿卷二

十六四明叢書

約園刊本

秋日過光溪

脩林徑出老僧寮
徐向山陽度板橋
鷗夢方沈飛葉擁
漁歌欲住野雲邀
筏來港趁深山雨
鹽到溪通海外潮
傳說昔從兵燹後
廿年猶未復蕭條

漫興

日高窗影竹離離
隱几無端訊阿誰
不可消愁徒費酒
頗能加病反多詩
黃花鬢滿秋懷過
白豆盂香午夢遲
六十年來滋笑口
餘年仍自聽他嗤

病中兒輩以米魚羹供飯予哂其妄

豈忘風味舊蠶鹽口腹貧家未易厭服藥本宜猶教止
求魚非貴亦傷廉不煩祝哽肥堪啗頗怪撚鬚汁欲黏
老子年衰難望此何如薪米得相兼

陸披雲臥病經月時余亦攫小疾不晤踰數旬

薜蘿
草

六十餘年兩廢人君生稍長十多辰千秋信有關心事
三月難支老病身非敢畱書期後世祇慚立品遜先民
比來時日知多少又說明朝是立春

檢笥中得周證山手書因作二律寄之

感齋稿卷二

十九 四明叢書
約圖刊本

西村蹤跡近何其獨立南樓空費思尊酒叩門消渴後
冬日冷甚忽以尊酒見遺半千買棹訂遊時前癸卯同遊雪竇誰從難後爲

知己我向鑑前把舊詩歸信果真期臘底雖貧猶可供
棲遲

尙憶元宵到爾居梅花幾樹頗容余看雲水面欣逢鷺
坐月橋東待買魚白髮難禁頻聚散蒼天逾遠幾欲欺
君家大阮知何處約略三年不得書

南樓卽事

欲信人言意未安白鬚掀向鏡中看菊消徑雨香猶透

宿逼湖雲夢自寒稔歲漫呼無粒急單衣惟祝小春寬
摩挲竹杖天將午空負歸簷鳥待餐

生朝

蕭蕭鬢髮幸成華五十餘年鑑曲家豈以薤香堪歷韭
會將蓬性借扶麻到貧率性詩非崇及老何妨毀尙加
兒輩進觴聊自醉去看鄰舍早梅花

錄詩文已偶書於頁

清秋一月幾逡巡字畫敬傾每自嗔難罷是非還略紀
自慙著述未爲貧畱瓢不畜浮江想覆甕差堪與酒親

愚齋集稿 卷二

二十四明敬書

約園刊本

寄謝時賢毋太笑此貧平昔蠢爲眞

到齋

石路西迴水一灣別來幽徑蘚逾斑炊宜柏葉荒廚遠
插可籬花老鬢頑昨夜雨添浮眾鷺一時雲罷見遙山
穰穰滿隴年稱熟貧客猶然歎世艱

初夏感興二首

軀體頽殘苦寢興鬢髮願影自知憎敝衣雅願年長暑
脫粟難求日半升健且澆蘭非爲主閒嘗學佛嬾依僧
淒其況味如斯足幾領涼風一曲肱

放筆摩鬚倦稍伸薄糜鹹豉晚涼新有何排解嘗悲憤
多卻吟哦自苦辛風正養槐花未落雨重洗竹粉纔勻
看農布穀還栽芋一笑先生是廢民

偶題齋壁間時吟之以自喻二首

芒透東隅日上寅曉寒索裏舊紗巾醉鄉以老疏蹤跡
吟社於今付笑頰江左霧除僧磬近海門潮長客帆勻
似吾六十恆危坐捉杖竹鄉笑古人

敷陳晚節向誰詹進退徒勞學用謙黃海故鄉忘歲敘
鑑湖近事異酸甜廚荒欲助餐加豆市踊思黏筋少鹽

應藥稿卷二

三四明叢書
約圖刊本

十九生平譌固甚里鄰贏得喚癡髯

季冬寒甚吟以避之

十日嚴寒釀臘天北窗屏敞席兼懸浮杯竹葉香猶嫩
待雪梅華性亦偏老愛高吟眞自亥夜期熟睡倩誰傳
晚來古屋風初定且莫遙懷范叔賢

秋曉感懷

旭對梧桐影透西孤村角角尙催雞黃花養氣方承露
紫蘆烹香始出泥風雨何關徒畜怨賤貧所在漫深題
年來七十殊容易祇覺懷慙捉瘦藜

過宿州南某地主有贈

兩月庭秋始有痕，斜陽莫漫沒孤村。
茨菰就釜勤炊竈，薜荔垂簷忘掩門。
每嬾驅馳隨世好，能畱言貌向余溫。
解人於指無多屈，得慰生平此夜樽。

題罍湖友人幽居

野漁一艇乘朝暎，欲別幽居秋色屯。
早菊初旬開藥圃，古槐幾世蔭柴門。
犁鉏伏臘能贏給，筆墨宵晨自細論。
避地湖南長適意，桃源空說是仙村。

寄周子方人蛟川

讀書稍倦幾遨遊，巾子峯前朗置眸。
隔岸鶴旋山寺雨，隨潮帆挹海門秋。
帳懸老歲真雞肋，筆捉寒朝假鹿裘。
何事呀唔聞夢寐，麟經深釋仲尼憂。

漫興

還從瘦骨挂青衫，倚杖柴門看過帆。
香給一村烹芋蕈，聲寒雙耳響松杉。
采芝仙窟嫌吾劣，嚼肉屠門任客饒。
河澗躑躅聊自計，大都毋費語喃喃。

倪尹若索詩因題其齋壁

以上西村草

一廬歲月竹松攢，春早治田秋後餐。
湖海都除纔覺好，

蓬蒿不翦始能安，低牆近夕山容起。
小閣初冬海氣乾，嫌我老無他技。
供倚梧高詠興猶寬。

寄證山周子

別來兩月興蕭然，但日躊躇看突煙。
讀古九分居爾後，處貧千箇莫余先。
虛堂夜寂嘗容月，小徑秋晴別有天。
偶得兒曹杯酒供，罌湖夢到認從前。

南園卽事

數行歸雁掠高霞，獨立南園手背叉。
一沼青芹爲美菜，滿棚白豆亦奇花。
未能夢穩嘗如蝶，故學蓬生且近麻。

愚齋稿卷二

三十四明叢書

約園刊本

鄰里呼翁呼稚飯，縷煙才起是吾家。

寄二靈于上人草堂步韻

以上療飢草

靈水靈山秋更清，欲貽高衲句難成。
貧堪賣否還祈訣，福可求之未敢明。
夜月自升簷荔受晴嵐，徐過徑松迎
問師杖屨茅堂外，幾聽山頭二虎聲。

五言絕句

苦旱歌

入網魚涕泣，脫網魚躊躇。
三日水不發，躊躇復何如。

喜雨歌

鴉鴨自狂喜飛鳴聚復散壞我池上瓜反生我嗟歎
七姊妹花二首

誰家諸女郎併作園中蕊風雨且漫來妹嬌勝阿姊
努力呈嬌色花生亦好名語花好自重名下恐紛爭

粟飯

一鎊水火爭粟米飯纔熟卻忘烏待餘與粒步還蹙

送友人帶豆

以上南樓草

近日衣無帶猶欣豆有形贈君須好煮宜使色留青

初夏

愚齋稿 卷二

三四四明叢書

約園刊本

南風向午來響落深簷露貽子肅肅心移花待雨雨

古意

見月何須拜月竟不相憐拜他三五載他只自團圓

湖上

對酒不得意獨登湖上樓山光爭落日水色照高秋

牧童謠

以上湖上草

牧豎出門早拋牛臥倚籬鳥啄牛背瘡齟齬那得知

墓上花

墓上花初紅墓中人自慰花殘莫亂飛行人深忌諱

寄內

細念終由拙無關命數非別來將一月曾得幾朝飢

齋北納涼

以上羅巖草

風從竹中來著人便覺異領略無過多恐醒吾醉意

和友人聞雁

吳江楓久冷漢水月纔明誰是無愁客孤蓬聽雁聲

眾樂亭懷賀祕書

未胡漁陽摻先機樂自多漫攜遷客至祇許醉翁過

朝采

唐蒙稿卷二

孟西明叢書

約園刊本

煮龜爾作薪飼蠶采爾葉爾猶不畏勞吐甚供人拾

代醉客答嘲

以上西村草

買酒日有價製衣翻無錢買酒只半百製衣須十千

七言絕句

過白峯

土田紆曲匯溝渠菜麥青青十里餘此地亂離應未甚

小春戶戶捉河魚

友人餞曉山席上口占

秋風七月起江干送我遊人上釣灘君到嶺南梅欲發

清香可似竇巖寒

寄曉山程鄉二首

九月南樓月欲肥程鄉入夢是耶非山瘴淺深子未識
故鄉風已漸欺衣

客裏山川日幾吟漫言天雨與天陰粵中最是冬如夏
不用寒衣繫母心

留張紹中宿

猶記黃花細雨天螭蟀寄我帶霜鮮子來寒舍無他供
喜有樓頭月一圓

愚齋集稿 卷二

五十四明齋書
約圖刊本

自笑

破被方溫賴小春危樓雨急漏無垠安貧已久今宵妄
有夢居然似富人

喻子規二首 以上南樓草

舉目無從覓蜀天只呼歸去乞人憐儻然當日能歸去
未必裏斜便萬年

曾爲越旅與吳棲惆悵春風畏汝嗁今日老歸茅屋下

要嗁嗁到日頭西

寄鑑湖友人

讀易閒時念我無春風添白幾莖鬚客鄉雖有西湖在
不及南樓對鑑湖

秋齋

蛩聲未了又雞聲旅次秋天冷煥并偶上高樓東向望
江湖平與夕陽平

寄巽湖友人

梧桂蕭疏水一灣可知幽敘卽居山夕陽無事柴門外
飛去飛來數白鷗

園中語友人二首 以上湖上草

愚齋稿 卷二

三七四明叢書

約園刊本

雨歇村光思看山江雲風細已班班語君早買三橋酒
月上禽唳不得閒

小窗三月對春林煙雨相知一片心入夏只今希別事
午鐘纔起夢旋深

陸氏山園

一陣鷓鴣風覺腥不知身已到山亭花香草暖階前坐
雲龍遙山數箇青

寄周證山都中 以上雞嶽草

塵飛日凍易黃昏霜雪難辭驢背捫煎北自來予自識

夢成只是在西村

題畫

雨過斜陽一舸通得魚不賣羨王公邇來漁子殊無賴
不賣貧家賣富翁

謝農家惠芋

撥火爐頭憶嬾殘感君見惠觸朝寒加餐固是衰年祝
啗此翻欣省我餐

買稻草護茉莉一首

閩地多栽作圃籬離鄉何便費維持老夫淪落江城久

學齋集 卷二

三六四明叢書

紉園刊本

遮冷無從覓一絲

破壁頽簷霜露皴南樓差可供藏身縱橫覆庇雖云好
擔閣吾廚幾頓薪

雪中次女請余圍爐

危樓雪透壁嶙峋舊日紅爐幾笑頰猶喜見憐聞我女
差強因熱向他人

對竹成詠因教塾童吟之以自諷

晚煙香露已相宜想到縱橫雪壓時聞說此君能療俗
比來曾向幾人醫

葡萄

摩尼磊落掛清秋，漫擬嬌娥飛墮樓。獨笑渠將一斛酒，輕輕去換守涼州。

苦雨

野性嘗耽細雨，更一林幽夢刻川船。於今八月朝朝雨，恐少幽懷自在眠。

寄賣菊翁

片帆歸後事難論，三十癡兒尙未婚。更笑半秋菊正好，也來傍我暴朝暉。

學藝齋稿 卷二

三九四明叢書

新園刊本

村社竹枝詞二首

辭神散火亂長街，有客遲迴心性乖。爭後爭先嗔復笑，去消冷肉水茅柴。

提燈社長喚鄰家，今夜須教算莫差。某項某錢該某補，絲毫準折到棉紗。

對梅懷西湖

走雪西湖興不厭，無多姓氏到村帘。邇來歸老求消遣，惟看梅花捲竹簾。

寄周證山

風霜滿地日加嚴，恨望徒然掀我髯。
可記罌湖趁酒夜，屬烹扁豆蘸無鹽。

農家秋歌

種秫腴田穀薄稔，倉箱謹視屬妻孥。
待他釀熟桃花發，石米香醪一百壺。

寄韓桴叟上虞

誰共憑欄看露飛，深秋應嬾上漁磯。
夢魂我有難忘處，山濠肥如鴨卵肥。

過半塘有感 以上西村草

盤髮稿 卷一

三十四明叢書
約園詩本

長隄猶抱滿江煙，夢破茅堂四十年。
猶憶昔時畱酒客，買魚夜半待潮船。

五言排律

坐夜偶述

雲開犬入夜語罷，謝時豪濁酒欣三爵。
青鏡媿二毛，字殘方辨電吟倦，漫題糕腐齒嫌頻。
剔烘鑪屬緩挑村空，譙鼓隱鄰逼紡車。
勞壁影形殊醜，窗光月小高何遲。
聞雁淚無忌看颺，跳誤蘸殊爲墨寒。
披被當袍好從東榻臥，莫使夢蕭騷。

歲晚南樓卽事

慘澹危樓北寒煙縷細巡空天撐塔影夜雨闌湖垠鳥
熟方如友梅開只近鄰經年纔出塾至日偶迎賓充粥
還加芋拈齏不憶尊豈嫌增老態竊空負眞貧白水聊
依夢青雲莫此塵待春思禮佛稍拂舊紗巾

季秋田家雜興

以上西村草

四壁無餘物犁鋤依小軒柴門通水半竹柵界蔬園社
近家爲黍神臨道樹幡鼓聲轟夜雨牲供忘時暄斷肉
豪專宰塗硃稚跳猿媪攢鹽米算族聚吏胥喧計獲方
至嫌疑值上元先生毋獨笑看牧唱過原

七言古

秋夜讀諸子詩

齋前刪竹待秋月月上吳山鐘欲歇寂然四野等空山
小童煮茗尋楫拙我友此時各未眠浙江月照鄞江天
何人近日多佳句北遊客獨愁煙樹

時證山
客燕

明鄭宗 誼正庵著

明鄭周斯盛證山定

五言律

覓友人遺文

南軒草

盛負十年志悠悠入墓門此時徒下淚何處可招魂執
友予雖媿新書天必存安能發枕祕持其解人論

再送董曉山之嶺南

君去非余志君留覺更難大都千里客宜使寸心安河

愚齋彙稿卷三

一四明叢書

約則刊本

漢方流火關山勉飽餐自慙無綰帶此意獨漫漫

南樓卽事二首

最是關心處兵屯未肯銷賣田謀餉迫越縣供軍遙虎
豹山煙吼鯨鯢海霧驕兒曹雖憊甚電馳赴征徭
前言誠足尙晚食當珍羞探甕欣甑米燒鐙酌借油孤
城更苦亂僻徑月疑秋衰眼摩抄讀無差杖杜不

齋詠

牆上葺誠拙遲遲芽甲穿曾無資厚土止得仰高天上
食應愁蚓爲欄或藉煙日來寒漸減勢稍作僂僂

曉

曉拈園豆罷開檻趁涼風近日詩逾祕新秋飯稍充犬
依苔砌冷蜂泥草堂空讀史翻多事心分喜怒中

家居

以上南樓草

迂疏乃已疾豈能受擠排避客頻拖履噴孫數挽懸苗
穿頰砌藥葉滿敞簾槐禮佛朝完課孤筇引布鞋

餘次寅山居小飲

山光遠可別一徑到君家正值吟詩罷閒看過雨斜兒
能呼客飲鳥自夢梅花命我且歸去明朝候晚霞

愚齋稿卷三

三四明歲書

約園刊本

寄董曉山嶺南

與爾俱羈客丰神近若何夢尋應及我母念未違他重
瘴今初薄輕猿夜幾多傳聞粵酒貴大約日微醺

東園齋中

花落竟一月飄飄故向人詩書非有負筆墨畏爲眞所
信懷知己無端泣暮春晚行窗外望孤月與人貧

久客

作客偶然事無端歲月深詩書人頗賤霜雪爾頻侵鄰
犬兼防戶飢鳥久對林甘吟未覺苦莫或有知音

西溪草堂

汀蘆已載雪風至得微香獨倚孤梅坐遙看一水長農
閒秋稅足漁罷夜沽忙欲聽溪聲臥冷然月到堂
去冬所護九節蘭望後大開

念我辛勤力枝枝自激昂野蜂旋已識好酒併沾香俯
仰承天性參差受月光每思嘗取佩安得芟荷裳

西冷晤周子西村

正爾深鄉思君翻作遠行貧交心不雜老至語關情新
月平簷見秋聲觸樹生相期無甚念祇畏夢多成

樹齋稿卷三

三四明故書

物園刊本

園有白鳥時去來

似念他鄉客時棲園後先飲餐惟白水高潔次青田到
值春三月嘯當秋一天今朝閒臥久相護有林煙

題壁

以上湖上草

杜門今已可稍慰昔時心易足常微醉難忘只苦吟青
天猶嶺表白雨自江深望倦聊憑几湖鷗到夢尋

寄潘子霖菖川

五載安貧旅多君屢見招仙樓江面雨高闕海門潮數
雁三吳散看花兩縣遙只今形夢想夜半踏湖橋

陸氏山園二首

每愛園居靜孤尋路不遐
花清喧燕雀漢暖長魚蝦
謂貧無客猶能隱有家
今年春物勝教僕好鉏麻
漫道堪逃俗聊求適此心
林高堂暝早草異徑香深
引澗流階下開門過竹陰
滿林書可讀已忘鬢霜侵

齋閣晚眺

以上雜巖草

落日晚涼仍羣生意漸矜
山光涵過鳥溪色引歸僧
古木殘巢落高墩野火升
山家嘗畏虎今夜獨懸鐙

西郊觀社會

愚齋稿卷三

四四明叢書

約園刊本

初夜疏風露聊寬老病身
登筵惟醉酒見月自親人名
重唐臣澤威畱漢服真此中
俗尙在漫計費千緡

感懷

老賊方兼至南樓媿自登
妄存文字好直受鬼神憎
讖舌初求佛論心尙遲
朋夜長殊少寐還剔照書鐙

初冬

飄來何處葉浙浙北窗頭
鵲到還宜雨蛩嘯尙認秋
短衫寒暑共一室竈牀
畱最忌笳聲急吹深霜雪愁

寄陸披雲

日月病中易及今爲幾時幸叨生其歲長願逝同期脫粟飢纔煮殘袍臥亦披菊枝雖足採猶嬾下階墀

湖行懷生生

萬籟晴初寂長橋杖暫扶碧容天自闊寒透客方孤蘆荻鳴仍戲芙蓉酒莫沽老人遊不返亭上意蕭疏

喜雨

以上薜蘿草

悵望經三月蒼天終見悲自然爲世喜何止慰吾私先雪滋梅瘦盈池暢鳥飢滂沱冬日少且可待春期

曉起

陽慶齋稿卷三

五四明叢書

約園刊本

衰年人所厭早起欲何求林鳥承朝日汀花歷暮秋蔬肥聞眾賞穀踊得私憂仰向高天問吾癡可易不

老態

老態殊無謂旋醒已復慵雨先瓜葉響煙付竹籬重煮茗尋松楸懷僧看浦風久貧疏世事頗喜耳能聾

歸南樓

去塾如棄負南樓衣自紉思深嫌友遠累少幸身貧采菊慙高節栽蔬付細民湯來知釀熟漉飲不須巾

西齋二首

漫訝冬時短村堂幾日斜詩書存我輩
孽緒總農家透壁風爲籟侵階霰裂花
小童殊解事榻榻向鑑加老賤如吾少
朝昏總異嘗夜長詳戍鼓水近苦鳴榔
多暝還疑飽高吟每忘狂自評誠足笑
欲改益荒唐

北村以上西村草

寓目均成興沿河過北村果懸依草閣
梧落徧柴門安窳原無友牽情似爲孫
蹢躅切我怪稍自慰朝昏

寄董曉山三首

近況須相寄湖秋二里通夜寒惟不寐
飢久益加餽誘

思齋集 卷三

六十四明叢書 約園刊本

起烏嗥後嘖生風齧中衰年遭際在不易
怨寒風

非緣人見異祇屬命爲魔力薄交難絕
身貧過易多憎詩嘗誘我喜酒卻疏他五
十年來事空令鬢髮皓

慙負先君志徒爲遮戶蕃猶堪天地庇
奚敢雨雲翻菹韭叨秋爽栽蔬藉露繁君
家當此日鈕鑊或相煩

小飲橋北農家二首以上療飢草

落日卜朝晴扶筇水右行橙添霜降味
菜足月初羹對

席兼諸叔酬賓獨長兄殷勤爲笑語莫
認是人情

薄酒凌風冷柴門倚杖斜數時瓜臙實
向日豆雷花村

小稀租吏人勞見富家冬來嘯鳥亂何獨忌鳴鴉

七言律

陸華星讀書山中往訪題贈

高齋近事漫相詢山水千秋意自新
雨細石欄花發半月圓江浦鳥棲勻
鶯扁白板燒松子每具青衿拜石臣
夜永讀餘來地主盃添清釀果加椽

南軒雜詠以上南軒草

一窗槐影漏斜陽紫李黃瓜風末香
興至檢書還急遽愁來視劍覺荒唐
煙塵白日宵猶見星月黃昏室稍涼
開戶欲尋湖上友鷓鴣何意更嘯忙

感懷

城頭曉角亂鳥飛且挹蒼涼對翠微
滅粒娛朋非爲惠烹茶供衲欲相依
他年或了耕桑計此日難驅兒女思
竹榻雖敲聊偃臥夢從吳會五湖歸

新秋卽事二首

園南鵲起破村煙林木吹聲儼瑟然
脫粟市鷺連日貴濁醪樽悵往時賢
幸添華髮將成雪媿買青山漫計錢
氣候比來殊未定落秋梧葉已非前

蘆絮含苞力未盈，曲池倒映自分明。
蟪蛄甚小猶牽網，絡緯何知已早鳴。
田盡屬人名掛役，齒方遺我俗呼僮。
謀成拙塞毋庸笑，曾證潘雍老圃生。

簡董曉山二首

蒼葭清露景依然，淪落江城不記年。
一社七人惟我率，十洲千古竟誰專。
久通桂井題詩債，空憶虹橋載酒船。
往事傷心難自遣，月明浩歎此穹圓。

剡川午夜雨初聞，曉濛澄鮮樓幸分。
灌圃太勤爭致笑，讀書未徹妄談文。

主移觀日空期旦，披雲觀日堂屬他人柳別眉

愚叢稿卷三

八四明叢書

山嫩拂雲，牛生移居蕙江落落故交萍。
水似蕭條門巷孰，同羣

老來，以上南樓草

老來愁思抑何奢，卽不關心亦歎嗟。
怪彼蜂窠營巨族，憐他蟻垤有王家。
昨宵卻悶因名酒，此際牽憂豈落華。
偶爾夢成差自得，分歸幾種邵平瓜。

四明叢書

四明叢書
約園刊本

四明叢書

四明叢書
約園刊本